

Na osnovu člana 13. Zakona o organizaciji i djelokrugu kantonalnih organa uprave i upravnih organizacija („Službeni glasnik Unsko-sanskog kantona“, broj: 9/13; 11/14; 8/15; 16/17; 25/17 i 4/19), te člana 47. stav (2) Zakona o izvršavanju Budžeta Unsko-sanskog kantona („Službeni glasnik Unsko-sanskog kantona“ broj: 6/23 i 11/23), a na osnovu Odluke Vlade Unsko-sanskog kantona broj: 03-02-2190-551/2023 od 19.7.2023. godine, Ministarstvo obrazovanja, nauke, kulture i sporta raspisuje

JAVNI POZIV

za predlaganje i odabir programa i projekta tekućeg granta – Grant za kulturu, koji će se sufinansirati iz Budžeta Unsko-sanskog kantona u 2023.godini

Član 1.

Sredstva za sufinansiranje programa i projekata dodjeljivati će se u skladu sa Odlukom o kriterijima i postupku dodjele sredstava tekućeg granta – Grant za kulturu, odobrenog u Budžetu Unsko-sanskog kantona za 2023.godinu za oblast kulture, putem Ministarstva obrazovanja, nauke, kulture i sporta Unsko-sanskog kantona.

Član 2.

Transfer za ustanove i udruženja u oblasti kulture – Grant kultura
Ukupan iznos raspoloživih sredstava 100.000,00 - KM.

Član 3.

Pravo učešća na javnom pozivu imaju projekti čije će se aktivnosti izvoditi na području Unsko-sanskog kantona i čiji će sadržaj biti od interesa za kulturu na području Unsko – sanskog kantona.

Član 4.

Sredstva granta kulture su namjenska sredstva koja se koriste za finansiranje i sufinansiranje programa i projekata iz oblasti kulture. Sredstva se mogu koristiti i za nabavku opreme, dijelova opreme i materijalno-tehničkih sredstava neophodnih za ostvarivanje programskih zadataka, kao i manju sanaciju i adaptaciju prostora u cilju stvaranja preduslova za rad institucija i udruženja iz oblasti kulture.

Član 5.

Pravo učesća na javnom pozivu imaju umjetničke organizacije, ustanove i udruženja, fondacije i nositelji programa i projekata u kulturi registrirani za obavljanje djelatnosti u oblasti kulture, koji obavljaju djelatnost, djeluju i izvode aktivnosti projekta na području Unsko-sanskog kantona.

Član 6.

(I) Odabir programa i projekata vršit će se u skladu sa usvojenim općim i posebnim kriterijima.

1. Opći kriteriji primjenjuju se na sve korisnike predviđenih sredstava, na osnovu kojih su u obavezi da dostave:

- Uvjerenje o poreznoj registraciji (identifikacioni broj – ID broj)
- Obavještenje o razvrstavanju pravnog lica prema djelatnosti (služba za statistiku)
- Potvrda banke o transakcijskom računu
- Karton deponovanih potpisa iz banke osoba odgovornih za finansije.

2. Posebni kriteriji za programe i projekte ustanova i udruženja u oblasti kulture:

- Kvalitet kandidiranih programa i projekata i njihov doprinos razvoju kulture, promociji i afirmaciji svih oblika kulturnog stvaralaštva.
- Manifestacije, programi i projekti institucija i udruženja kantonalnog nivoa i značaja.
- Podrška programima i projektima koji imaju kontinuitet i tradiciju.
- Doprinos projekta uspješnom prezentiranju i afirmaciji Unsko-sanskog kantona u zemlji i inostranstvu.
- Uspjesi na međunarodnom i domaćem planu.
- Primarna podrška programima i projektima koji imaju podršku lokalne zajednice i osigurano sufinansiranje.

(II) Komisija će bodovati projekte na osnovu općih i posebnih kriterija bodovima od 1 do 10.

Član 7.

Prije donošenja konačne odluke o odabiru, Komisija zadržava pravo zatražiti dodatna pojašnjenja projekta od aplikanta.

Aplikanti koji nisu ispunili formalno-pravne uslove, odnosno čije su prijave u suprotnosti sa članom 6. ovog Javnog poziva i aplikanti čiji projekti, u skladu sa stručnom ocjenom Komisije, nisu odobreni za finansiranje iz sredstava tekućeg granta- Grant za kulturu bit će o tome obaviješteni.

Obavijest o dodijeljenim sredstvima, nepotpunim i neblagovremenim prijavama objavit će se na web stranici Vlade USK-a – www.vladausk.ba.

Protiv obavijesti iz stava 2. ovog člana aplikanti mogu podnijeti prigovor Ministarstvu obrazovanja, nauke, kulture i sporta u roku od 3 dana od dana objave.

O prigovoru odlučuje ministar Ministarstva obrazovanja, nauke, kulture i sporta.

Odluka o prigovoru je konačna.

Član 8.

Podnosioci zahtjeva dužni su dostaviti sljedeću dokumentaciju kako bi dokazali ispunjavanje uslova:

1. Popunjena, potpisana i ovjerena prijava na aplikacijskom obrascu
2. Uvjerenje o poreznoj registraciji (identifikacioni broj – ID broj)
3. Obavještenje o razvrstavanju pravnog lica prema djelatnosti (služba za statistiku)
4. Kopija ugovora sa bankom o otvaranju transakcijskog računa
5. Karton deponovanih potpisa iz banke osoba odgovornih za finansije.
6. Detaljan projekt ili program za koji se traži sufinansiranje
7. Financijski plan projekta s izvorima prihoda i očekivanim rashodima (popunjen obrazac za budžet projekta)
8. Nagrade, priznanja, preporuke projektima, programima i manifestacijama lokalnog, državnog ili internacionalnog karaktera

Svi dokumenti prilažu se u originalu ili ovjerenoj kopiji koja ne smije biti starija od 3 mjeseca računajući od dana objavljivanja Javnog poziva.

Projekat (ovjeren i potpisan od strane podnosioca) dostavlja se na posebno propisanom obrascu. Neće se uzeti u razmatranje prijave aplikantata dostavljene po ovom Javnom pozivu koji su prethodnih godina dobili sredstva iz Budžeta Unsko-sanskog kantona, a nisu ispunili obavezu pravdanja i izvještavanja.

Član 9.

Prijava za dodjelu sredstava odnosno finansiranje/sufinansiranje projekata, posebno za svaki predloženi projekat, podnosi se na posebnom obrascu koji se preuzima sa stranice Ministarstva www.vladausk.ba, ovjerenom i potpisanom od strane odgovorne osobe i koji mora sadržavati:

- a) informacije o podnosiocu projekta (naziv aplikanta, odgovorna osoba, kontakt osoba za realizaciju projekta, telefon)
- b) naziv projekta (ne više od 8 riječi)
- c) lokaciju implementacije projekta
- d) ukupan budžet projekta i izvore finansiranja
- e) sažetak projekta
- f) opći cilj i specifične ciljeve projekta
- g) relevantnost projekta
- h) očekivane rezultate
- i) projektne aktivnosti po fazama i vremenski okvir
- j) održivost projekta
- k) partnere na projektu (ukoliko ih ima)
- l) budžet projekta (Aneks 1)
- m) detalje o sufinansiranju (ukoliko postoje vlastiti ili drugi izvori finansiranja)
- n) opis organizacije aplikanta
- o) broj žiro računa i naziv banke kod koje je otvoren račun.

Svi aplikanti po javnom pozivu mogu dostaviti samo jedan projektni prijedlog.

Član 10.

Obrazac za prijavu projekta sa budžetom i obavezna dokumentacija, trebaju biti dostavljeni na način da su isti uvezani i poredani prema redoslijedu.

Projekti se dostavljaju u zatvorenoj koverti (A4 format) sa naljepnicom na koverti (umjesto adrese zalijepljen popunjen obrazac aplikanta koji se nalazi na web stranici Ministarstva: www.vladausk.ba.)

Član 11.

Neće se uzeti u razmatranje prijave aplikanta dostavljene po javnom pozivu:

- a) čija prijava je neblagovremena (dostavljene nakon protoka roka određenog javnim pozivom)
- b) koji ne dostave kompletnu dokumentaciju koja se traži javnim pozivom

- c) koji dostave projekte usmjerene na oblasti suprotno onim koje su određene u javnom pozivu
- d) koji ne razrade projekat u skladu sa članom 8. ovog Javnog poziva
- e) koji za svaku stavku nabavki iz Budžeta projekta veću od 2.000,00 KM ne prilože predračun
- f) koji su prethodnih godina dobili sredstva od ovog Ministarstva, a nisu ispunili obavezu pravdanja i izvještavanja
- g) neprofitnih organizacija čiji administrativni troškovi (režije, telefonski troškovi, uredski materijal, bankovni troškovi, usluge knjigovodstvenog servisa, najam ureda i slično) na projektu prelaze 30 % ukupnog budžeta projekta.

Član 12.

Prijave dostavljene nakon isteka roka iz Javnog poziva vraćaju se aplikantu neotvorene, a sve ostale prijave zajedno sa pratećom dokumentacijom ne vraćaju se aplikantu.

Član 13.

Popunjenu, potpisanu i ovjerenu prijavu sa svim potrebnim priložima naznačenim u Javnom pozivu slati na adresu: Ministarstvo obrazovanja, nauke, kulture i sporta Unsko-sanskog kantona, Alije Đerzeleza broj 6 Bihać, sa obaveznom napomenom: **Prijava na Javni poziv – ne otvaraj.**

Rok za podnošenje prijava je petnaest (15) dana od dana objave Javnog poziva.

Ministar

Mr.sc. Edvin Alijanović



Broj: 10- 11-7801-1/23
Bihać, 24-07-2023 . godina